

書言故事大全卷之八

廬陵 胡繼宗 集

安成 陳玩直 解

○科第類

賓興 科舉年為賓興之歲周禮地官大司徒 周禮周

是也二曰地官戶部三曰春官禮部四曰夏官兵

部五曰秋官刑部六曰冬 以鄉三物教萬民而賓

興之成則御大夫舉其賢者能者以御飲酒之禮

賓客之禮 一曰六德得於心 智仁聖義忠和智謂

其書于王 書言故事 卷之八

事理足非不惑仁謂愛人利物惻怛不忍聖謂明
睿通達燭物不遺義謂剛義果斷制事得宜忠謂
盡己之心主於誠實和謂發而中二曰六行音幸
節無所乖戾注云不剛不柔是也
於身之孝友睦姻音任恤孝謂順於父母友謂和
謂行親于外親任謂信于朋友兄弟睦謂睦於宗族
姻謂親于外親任謂信于朋友
恤謂周于鄰里鄉黨之貧者
三曰六藝有成材
藝雖技能之末而妙
道精義實在其中
禮樂射御書數
禮謂習于度
以教之中也樂謂明于聲音之高下所以教之和
也射謂射法驗其正鵠之中否以觀德行也御謂
御法御者執轡立千車上欲其調習不失驅馳之
正也書謂書字之體可以見心畫數謂美數之法
可以盡
物變

興賢

科詔謂興賢詔

興賢若
奉孝廉

大比

彼青科舉年謂大比之秋

以歲時登其民家之衆
寡辨其可任者國中自

七尺以及六十在野自六尺以至六十有五皆征
之其合者國中貴者賢者能者服公事者老者疾
者皆合以歲時入其書此云三年則大比謂大比
民數之時也于此合比閭族黨州鄉之所校登書
故皆從校之謂使天下
吏簡閱民數及其才物

鄉書

賀發舉榮捧鄉書

上文所注云閭族黨
州鄉之所校登書

天府

賀發舉名登天府周禮地官鄉

即今戶部主國
教化教君臣父

子夫婦長幼朋友五者之教以馴兆氏
之不順者而使之順也○錄尚書周官注
大夫三

年則大比彼音考其德行幸道藝而興賢者能者賢
者有德行若季考廉能鄉老及鄉大夫以禮禮賓之

者有道藝若舉茂材

以禮賓能用鄉飲酒之禮
以禮賢能而與之為賓客
厥明讀鄉老及鄉大夫

群吏獻賢能之書于王
厥明謂賓賢能之明日獻
書于王獻賢能之書于王

以待王之王再拜受之
重其賢登于天府
能也登于天府

官而使之王再拜受之
登于天府
天府掌

鄉貢進士 請舉稱鄉貢進士唐選舉志唐制取士之

科多因階舊其大要有二由學館曰生徒由州縣
曰鄉貢皆升于有司而進退之其科之目有秀才
有明經有進士

槐黃 科舉近謂槐黃通眼

槐秋 科舉年謂槐秋踏槐赴舉謂踏槐
逐齊閑覽長

安舉子六月後落第者不出京謂之過夏多借靜

坊廟院作文曰夏課時語曰槐花黃舉子忙唐人

翁承讚槐花詩雨中粧點望中黃勾引蟬聲送夕

陽憶昔當年隨計吏計吏上計簿畜之吏漢法馬

蹄終日為去聲君忙君指槐也言馬蹄之忙蓋為槐

師上簿以故忙也

棘圍 就試貢院謂麀於刀戰棘圍通典唐杜選

舉類篇目禮部閱試之日皆嚴設兵衛前去棘圍

之以防假濫存圍也假監假託以濫閱試之日用

者八

徹棘

折榜曰徹棘。和凝五代時知貢舉知貢舉知貢奉為時

進士喜為誼譁以動主司主司考放榜則圍之以

棘閉省生上門絕人出入疑徹棘圍徹除去也開省門

而士蕭然無譁

同年

同榜人曰同年

座主

稱所見取之試官曰座主

閔節

行賄請求時官曰閔節李肇國史補曰進士為

夫時所尚久矣由此出者終身為文人其通稱為

秀才投刺音次鄉貢得第曰前進士刺名也投互相

欽敬曰先輩俱捷前八曰同年俱捷皆有司曰座

主座主見造請權要曰閔節造請請託有權勢當

節曰

朱衣點頭

文字中去選謂朱衣點頭宋朝歐陽脩

知貢舉歐陽脩廬陵考試卷常覺坐後一朱衣人

點頭然後文入格句不爾則無復與考不爾猶言

者謂朱衣若不點頭其文始疑侍吏始疑朱衣人

書言故事

八卷之八

四

及回視一无所見因語御音同列三歎語告也告以
故而三發朱衣點頭之當有句云文章自古無憑據惟願朱衣
嘆息之辭一點頭又詩青夜夢中糊眼處朱衣暗裏點頭時

鷓鴣 賀發舉榮膺鷓鴣薦

福薦 詳見下節

鷓表 鷓表橫飛後漢孔融始弱冠去孔融愛其才與

為友祢衡未滿二十而融上音表薦之曰鷓音鳥

累音百不如一鷓鷓猛鳥搏擊之鳥也鷓鴣也

耳音鷓使衡立朝音必有可觀古詩鷓表薦時來衆

彦

破天荒 謂此地方有科名者為破天荒荆州每歲應

舉人多不成名為天荒解皆去声劉音以荆州

解及第時號破天荒

鹿鳴燕 郡邑燕新舉人為鹿鳴燕詩鹿鳴鳥小雅鹿燕

群臣嘉賓鹿鳴之詩燕嘉賓詳見前懷音牒自列州

縣懷牒貢院內自從列試已音長音吏音府

官之以鄉飲酒禮設賓主陳俎豆歌鹿鳴之詩韓

愈贈張籍詩州家舉進士選試繆所當言已繆當考官馳

辭對我策章句何煒音煒相音相公朝服立
相公董工席歌鹿鳴工席樂禮終歌已闕音闕
哥也相送拜于庭

桃李考官所取門生比桃李唐劉禹錫寄王侍郎放

榜詩禮闈新榜動長安禮闈即禮部長九陌人人

走馬看長安有八一日聲名徧天下滿城桃李屬

春官春官禮部音也淡墨音進士榜

淡墨賀中音榜淡墨榮書撫言只音進士榜

粘黃紙四張以淡墨音禮部貢院四字於榜首

賈公談錄李行音侍郎放舉人命筆吏書榜未及

填禮部貢院字得疾令音史士音亦善書令

平終其事值昶醉以音氈筆染不能加墨迨明方覺

字體濃淡相間音反致其妍自後遂為故事

泥金及第附書報家泥金喜信天寶遺事新及第以

泥金帖字附家書為報謂之喜信

虎榜賀及第謂標名虎榜唐歐陽詹字行周舉進士

與韓愈李絳崔群王涯音馮宿庾承宣音弟皆

天下選時稱龍虎榜音數人音如龍如

金榜 登科謂金榜掛名(西京雜記)崔紹暴卒復生見
真間列榜書人姓名將去聲相去聲金榜其次銀榜州
縣小官並是鐵榜

造榜天 折榜時謂造榜天(唐)陸扆音攻文辭敏速若
注射若注水射其舉進士時方過句幸而六月榜

出至是甚暑他學士輒戲曰造榜天也造又蓋識
哀進歌其時

勸駕 邵守舉送曰勸駕(漢)高帝詔賢士大夫有肯從
我遊者吾能尊顯之其有意稱明德者必身勸為

之駕稱明德稱學明德尊之士勸駕有賢能者郡

著鞭 著張賀人赴省生上著鞭雲路(東晉)劉琨音與

祖逖行入為友與親故書曰吾枕音戈待旦枕戈

貼頭而志首逆虜言志氣欲擒逆虜殺而常恐

祖生先去聲吾著鞭恐祖逖先林傑五歲吟詩羽客

已音登雲路去

禮部貢舉 始於唐玄宗(唐)選舉志(玄宗)開元二十四

年考功負外郎為去聲貢舉詆訶考功吏部有舊考

選科詆毀謗也訶怒也當時李昂為帝以負外望

書言故事 卷之八 七

輕讀遂移貢舉於禮部以侍郎主之望輕猶言賤小也舊制考

功負外郎掌試舉人由是披詆毀之後朝議以考功位輕不足以臨多士次年遂以禮部侍郎掌焉

禮部選士自此始

南宮赴南省生上聲謂赴南宮唐開元中謂尚書

省為南省門下中書為北省南宮禮部也唐舊說

禮部郎中掌省中文翰謂之南宮舍人

春官赴省生上聲謂赴春官周禮春官宗伯掌

禮尊卑等列春官於四時之序為長故其官謂之

宗伯周官篇之注唐武德初高祖謂禮部曰儀曹龍

朔中高宗年號改曰司禮武后改曰春官

貢士殿試始於唐則天則天大唐高宗后也名武曌儀高宗崩昭儀廢中宗為帝

陵主而稱帝是為則天武氏唐選舉志武后天授元年二月辛

酉策貢士於洛城殿貢士殿試自此始

臨軒策士始於神宗朝音朝試策宋熙寧三年呂公著

知貢舉密奏曰天子臨軒策士用詩賦非舉賢求

治之意今廷試乞以詔策諮音諮訪治道呂公著密

策乞下詔令舉人答自是上御集英殿試乃以策

問是年乘祖治狀元策士之

試進士沿革

公從舊也革者革其舊而新制之也

開寶六年

開寶宋太祖年號

因徐士廉訴知舉李昉不公

不公謂其取利名有私

帝御講

武殿覆

福音

試親試自此始及第人皆賜綠袍鞋笏

賜宴賜詩自興國二年呂蒙正榜始

興國宋太宗年號

分

甲次賜同進士出身自興國八年宋白玉世則榜

始唱名自雍熙二年梁顥榜始

唱名即臚傳詳見下節

封印

試卷自咸平三年始

咸平真宗年號

置謄錄院封彌官覆

考編排皆自祥符八年開始

祥符即真宗大中祥符

唐制禮

部試舉人夜以三鼓為限

至三人邀場開燭

乃罷

宋朝率

由白晝不復繼燭

出宋朝事實

臚傳

臚音

折榜唱名曰臚傳

臚鴻臚寺韋昭曰鴻大也臚陳序也敎以豐大

陳序賓客也蘇林曰臚者上傳語告下也

集英殿唱第日皇帝臨軒

宰臣進三名卷子讀于御按前用牙篋點讀畢宰

臣拆視姓名則曰某人閣門則承之以傳于階下

衛士凡六七人皆齊聲傳其名而呼之謂之臚傳

亦謂逸殿書閣門實鴻臚卿

授敕黃

敕黃用蜀中麻紙為之兩幅連粘

音

大字書

某人等宜賜某等科第其門漏子又長於尺黃一

尺可漏子自狀元至第二甲終皆曰宜賜進士及

第。白第。三甲至第四甲皆曰宜賜進士出身。第五

甲。則曰宜賜同進士出身。一甲唱名畢讀則往西

廊角讀取敕黃執之白甲內人齊則謝恩

賜袍笏唱名後狀元獨班謝恩第二名第三名次為

一班便賜食相去身為袍各設位賦詩以答皇恩

唱第五甲畢士人皆執勅黃再拜句殿上傳曰賜

進士袍笏積於殿外南院音下庶堂下也廊出爭

取之積聚立於殿外南廡皆不暇脫白襴加綠袍

俟袍笏出而爭取之

於上焉。燕賜淡黃絹衫一領。淡黃帶子一條。綠羅

公服一領。笏一面笏音忽。笏者忽也。品官所執。有事書其上。以備忽忘。

狀元后題名小錄以別試所為之大魁入局大魁狀元也

點差局中職事官句謀請掌器掌酒果監門之屬

三狀元常宿于局中月餘而罷局局中所幹專以

題名小錄為事題名小錄每名備書鄉貫三代名諱官爵年紀及授其官卷端具載

監考職事官姓名及言題其為一卷

拜黃甲黃甲者由省生上中降下唱名畢以此升甲

之人附于卷末用黃紙書之謂之黃甲是日貢院

設香按于庭下狀元引五甲內士人拜香按禮部亦遺官來贊道贊尊者相助引導置黃甲于按中而望闕引拜

叙同年

拜黃甲畢人列而廊四十以上東廊四十以下西廊內擇一人最年高者上音賞堂大魁拜之年高者答拜大魁狀元也又擇一人最年少音去者上堂拜大魁大魁亦答拜而退是亦謂之叙同年

瓊林宴

朝廷賜宴及第人謂瓊林宴音朝太平興國八年太平興國宋太宗年號宋白等並賜及第白賜宴始就

瓊林苑後遂為定制

探花宴

探取探花使音事秦中雜記進士杏園初宴謂之探花宴差少音去俊二人為探花使使徧遊名園若他人先得名花則探花使先被罰也

賜紅綾餅餠

音淡唐僖宗幸南內興慶池泛舟天子至日幸南內宮禁之內唐有三內西內東內南內曰興慶宮在東內之南興慶池在興慶宮側方食餅餠時進士在曲江有聞喜宴曲江前漢武帝造曲江池其水西折後秀士登科賜宴宴上命御厨衣人數各賜紅綾餅餠餠以紅所司以金合音入進所司其司所掌

盛餅進於上前上命中官馳以賜中官官故徐演詩云莫欺老缺殘牙齒曾喫紅綾餅餽來

賜花唐懿宗開新第宴于曲江乃命折花一金合令

去声中官馳至宴所宣口敕曰便令戴花飲酒無下同不為榮

進士登科記唐永徽以前俊秀二科猶與進士並列

咸淳以後凡由文學舉于有司者竟集于進士之

列唐永徽咸淳皆大由是趙修音刪去俊秀故目曰

名目題記進士登科記登科記歷科記之名立始于

此

題名鴈塔古今詩話唐韋肇及第偶於慈恩寺鴈塔

題名慈恩西京外郭東南三橋皇城之東進業坊

母文德皇后為之祈福即地建寺故名慈恩鴈

塔之故出佛經佛在西域時有北丘見鴈飛空乃

念曰摩訶薩埵可充我費鴈乃墮地後人效之遂

成故事自神龍以來神龍唐中杏園宴後於慈恩

寺鴈塔下題名同年中推音善書者紀之他時有

龍門禹門唐人比進士登科為登龍門淮南子禹鑿

將去声相去則朱書之

龍門昔堯之治天下有九年之洪水舜禹治之於是開九州之道陂隄九州之澤平治九州之山浮舟自積石至于龍門而鑿之龍門龍門山也地志在馮翊夏陽縣今河中府龍門縣也及第詩禹門三級浪三級二層也

三秦記

龍門讀魚登者化為龍水經鱣音鯉出鞏音

穴鱣似龍色黃三月上音賞渡龍門得渡為龍士人中舉者得為官

若魚渡龍門得為龍否則點額而還傷其額若士人不中舉

而杜贈鮮于京兆詩龍門客又新鮮于仲通既為京兆尹杜南引

漢李膺龍門事以贈仲通李膺也夫李膺性簡亢无所交接有被其容接者名為登龍門

龍頭

狀元曰龍頭宋朝音朝梁顥狀元及第年八十二

謝啓云上啓皓臺上首窮經少上聲伏生之八歲伏生

名勝濟南人治尚書漢文時年九十口以傳授二十九篇青雲得路多太公之

二年太公姜呂尚也年八十猶窮困魚釣於渭水周文王出備遇之載與俱歸立為師謝

恩詩天福三年來應去聲舉天福後晉雍熙二載音

始成名雍熙宋太宗年號天福三年以後歷後漢後周至宋雍熙二年然則凡四十八年矣

饒他白髮巾中滿且喜青雲足下生觀榜更無朋

輩在到家惟有子孫迎也知年少音登科好爭柰

龍頭屬老成

鰲頭

大魁魏占去聲鰲頭列子龍伯之國有六人一釣

而連六鰲勸駕詩勸駕詳見此卷高文俱合聲入

在鰲頭言文之高者俱合中大魁

龍標

錦標大魁首奪龍標唐盧肇黃頗皆宜春人

同舉句郡守獨饒頗明年肇狀元及第句歸讀郡

守接甚厚延肇觀競慶音渡競逐也競渡者屈原端

舟救之競渡是其遺釋注音密向道是龍則不信

俗今之刻龍船是也注刻音華

摘髭

言取科第之易音韓愈寄崔立之詩連年取

科第若摘頷底髭

釋褐解褐

言解釋布衽而服藍袍也褐毛布賤者也

段釋褐謂解釋去賤服宋朝會要興國二年太宗

始賜呂蒙正等釋褐後遂為例狀元皆謝恩日賜

祥符中始及第日賜之真宗改大中祥符

取青

取青如拾芥易音耳漢夏上侯勝曰夏侯士

病不明經術言士不能明經術苟明取青紫如俛

拾地芥耳青紫者上大夫公服也俛低頭也芥草

頭拾地上草芥之易耳

雲梯 及第足躡音雲梯也躡登 **杜** 浮雲亦有梯謝靈運

登石門高頂詩共登青雲梯

仙桂 及第手攀仙桂 **擢桂** 擢桂言嘗為禮部侍 **西陽**

雜俎言月桂高五百丈下有一人常斫之創隨滿

創斧其人姓吳名剗音學仙有過謫令平伐樹 **杜**

哀長音孫侍御長孫覆姓侍 禮闈曾擢桂禮闈禮

桂言嘗為禮部侍即 擢桂枝擢

桂枝 **攀桂** 晉郊 誥音 舉賢良射策為天子第一射

者為難問疑義書之於策量其大小署為甲乙之

科列而置之使不彰顯有射者隨其所取得而擇

之以知優劣射之為言後也對策者顯問以 **武帝**

政事經義令召對之而觀其文辭近其高下

問卿才何如說曰猶桂林一枝崑山片玉桂枝崑

上林中 陳元老及第詩桃花先透三層浪月桂高

蟾宮 攀第一枝 及第之榮比步蟾宮張衡靈憲序月者陰宗之

精積而為獸象兔陰之類其類偶其後有窮后羿

音 請不死之藥於西王母有窮夏諸侯 其妻嫦娥

竊以奔月是為蟾蜍音 蟾蜍蟾蜍蝦蟆也月中三

頭上有角腹下 **古詞送赴省** 生上 嫦娥剪就綠羅

書言 文甫 卷之八 五

袍待來步蟾宮與換

謝名第

謝衣鉢

撫言採拾狀元以下到主司宅綴

行音而立

狀元及與以下進士皆歛名紙通呈人

寫已名於紙上狀元歛之通呈主司

與主司對拜主事云執事請狀

元謝名第第幾人謝衣鉢謂與主司名第同者或

與主司先人名第同即謝大衣鉢先人主司身也

之許

得衣鉢

得心印邵氏間見錄范質舉進士主文

愛其才以第十三登第謂質曰君文宜冠生

言君文之高宜名

屈居十三者欲君傳老夫衣

第居多人之上傳衣鉢佛家以傳法為傳衣鉢此借以言名第同

知衣鉢之相傳蓋和旋元中十二名故曰欲君傳衣鉢未幾和入相後質亦拜相有詩云從此

廟堂添故事登庸衣鉢亦相平傳為治之人而登

用之洛中紀異和為相去封魯公終大傳范亦封

魯公終大傳可謂得其心印也

一

榜京官言行錄宋太祖幸西都張齊賢以布衣獻

十策未蒙爵祿曰布衣十策下并治富民封建敦

未詳語遇太宗曰語告也太宗大我幸西都得一

書言女

張齊賢齊賢字師亮曹州人異時可收為相去声下同○太

汝他日留與太宗即位放進士榜欲置之高第而

有司偶失掄音倫選也掄音揮置三甲末甲末黃上不悅

及注官有肯一榜與京官通判文定釋揭將作監

承通判衡州文定真宗召有賢拜平章事卒謚文

之作監丞通足判衡州衡州文定登第釋獨之後以

新郎君阿安入婆三五少音幼年時撫言薛逢死於

宦途薛逢仕唐策羸力為馬赴朝音朝羸音羸值音

新進士綴行音抗而出也團師所由輦斥令音平昌

避新郎君團師團兵訓練之逢遣价語音遇之曰莫

乞相音去阿婆三五少音紹年時三五十也音曾東塗西

林來逢言我少年時也曾作進士石阿婆少年時塗抹輕粉也

綠衣郎直方詩話荆公有詩云王安石字介却憶金

明池上路紅裙爭看綠衣郎歐公歐陽脩

忠謹厚者亦復為之耶司馬溫公同幕於僧舍私

妓喻垣去荆公集句戲去年夫年來又忙暫偷

閑卧老僧房驚回一竟遊仙夢又逐流鶯過何墻

渴睡漢歐公詩話吕蒙正薄遊一縣胡旦隨父寧邑

書言女事

客有舉呂詩云批盡寒燈夢不成胡笑曰乃是一
渴睡漢耳。呂明年中去声甲科寄聲胡曰渴睡漢
狀元及第矣。胡曰待我明年第二及第輸君一籌
次榜果中首選

英雄入吾彀中

彀音溝 撫音只言唐太宗正觀中私幸端

門端門殿見進士綴行音杭而出喜曰天下英雄入

吾彀中矣。彀張弓引備也。時人語曰太宗皇帝

真長策賺音暫得英雄盡白頭。賺猶俗言脫

三元解音介省音生士殿皆魁曰三元元者省也。宋朝王

曾音爭自青州發解解謂本省及南省即會試也廷試

御試皆首冠去声。劉子儀戲之曰狀元

試三場一生喫著入不盡公正色。答曰曾平生

之志不在温飽。沂公名曾後相仁宗

正奏及第為正奏名。正奏名第一甲第二甲敕賜進

士及第。第三甲第四甲敕賜進士出身。第五甲敕

賜同進士出身。第一狀元承事郎第二榜眼第三

探花文林郎第四第五人從去声事郎第六人至第

五甲終並迪功郎

特奏恩科人為特奏名。特奏名第一等前二名附正。奏五甲授迪功郎。餘並登仕郎。第二等京府助教。第三等上州文學。第四等下州文學。並候郊出官。郊祀天也。授官依甲次。有等級定制。並候祀天始出為官。第五等諸州助教。止得敕黃袍笏。

老榜官。恩榜人謂老榜官。狀元董德元字體仁吉州

人少魁鄉舉。少年之際。鄉累上試。禮部不第後。

補文學任道州寧遠簿。試漕音曹再薦試禮部合

會入格試漕宋運司試廷對為天下第一廷對殿試也。

遣報家書有詩云御筆題封墨未乾音干君恩重音去許拜金銮故鄉若問登科事便是當年老榜官後七十至參政

白髮清衫僕鯖音青錄崇寧初崇寧宋徽宗年號徐適音後特奏

名狀元詩曰白髮清衫晚得官瓊林頓覺酒腸寬平康夜過無人問平康乃一枸欄巷妓女所居也。當時此坊謂之風流數澤。留得宮花醒上聲後看

甲科第一甲及第謂登甲科前漢蕭望之射策甲科

為郎射策之義詳見此卷後諸科類甲科之下

羅使

音事

撫

音只

言

羅玠

貞元中及第

貞元唐德宗年號

開宴

曲

江泛舟玠溺死後有閑試前卒者謂之羅使

錯認顏標

撫言

鄭侍郎

薰主文

疑顏標

魯公之後

魯公

顏真卿也

真卿唐明皇時為山東德州太守值安

祿山及真卿起兵討之明皇喜曰朕不識真卿何

狀乃能如此鄭薰蓋疑時未寧志在激昂忠烈即

以標為狀元時未寧天下猶未定也鄭薰之志蓋

忠者子孫得為狀元謝日問及廟院謝日謝名第

以故取顏標中選大臣家有庶而第標曰寒進無此也

之房則曰第哉院寒進標自謙稱

之後故曰始知誤取時嘲則交之曰朝言相

无廟院切之曰調也主司

頭腦大冬烘猶言過於燒熱說不通錯認顏標作

魯公

紅箋名紙

撫言

裴思謙

狀元及第

以紅箋名紙

數十

詣平康里平康注見此類前賦詩曰銀缸音扛斜背

解鳴璫銀鈿燈也璫充耳珠柳子厚小語低聲問

玉郎從此不知蘭麝貴言妓女從此更可貴夜來新

惹桂枝香及第者為析桂之客言得

我輩厚顏

登第後

謝人曰

我輩厚顏

唐

昌平間

昌平

間

昌平

縣間字劉蕢音墳對策詆宦官是時宦官弄權以壞

書言以事

卷之八

二十

詆之其策畧曰云云忠實无腹心之寄閣等持廢立之權先君不得正其終陛下不得止其始云云

考官馮宿等見劉蕡策歎伏而畏宦官不敢取詔

下群論去聲囂然李邵合音曰劉蕡下第我輩登科能

無厚顏蕡由是不得仕于朝音潮

懷麓擲試官 名臣遺事 謝史館泌音足監音間國子舉子

宋有玄史二館泌任其間着撰文史 黜落甚衆其以

故呼為謝史館至是監試國子監生 懷麓以伺其出其以

文不優故多不 群言沸搖沸涌 懷麓以伺其出其以

取而黜洛之 泌知潛由他道投史館避宿數日其以

也懷麓伺候謝 泌知潛由他道投史館避宿數日其以

泌出則擲打之 泌知潛由他道投史館避宿數日其以

泌知其欲擲已潛暗於他路詣 太宗聞之笑曰泌

職在考校豈敢濫收小人不自揣崔上分大反怨

主司言其不揣量已之无學識反怨主文試官不

然固須防避言小人无知之甚者也與禽獸何異哉

駟音卸導雄偉都人歛避駟導駟從導引左右奏曰

惟臺省生上知雜呵擁難近知雜御史之職有四

遂授知雜以避擲麓之患

丕休中選 楊文公大年為翰林學士適禮部試天下

士一日會鄉里待試者或云學士必持文衡幸預

有以教之大年乃作色拂衣而入曰丕休哉大年

果知貢舉凡程文之用不休哉皆中去聲選大年作

不休哉以示无私曉其機者作而當座中平聲之客

亦半有不以為者不以為者謂不以不

白衣卿相去聲通典唐杜佑編進士科始隋大業大業煬帝年號

盛於貞觀永徽之際貞觀唐太宗年號縉紳雖位

極人臣不由進士者不以為美其推音重謂

之白衣卿相以白衣之士郎卿相之資也重之如

此

不在品節見

百花魁宋王曾布衣時以梅花詩獻呂蒙正雪中

未問和羹事先向百花頭上開蒙正曰此生已音

安排狀元宰相去聲也王曾以此卷前三

○諸科類

制科天子自詔制舉曰制科唐選舉志所謂制科者

其來遠矣自漢以來天子常稱制詔道其所欲而

親策之唐制取士之科其天子自詔者曰制舉所

以待非常之才焉

甲科乙科射策對策後漢順帝賜嘉元年以大學新

成謂新建大學明經下第補弟子增甲乙科員各

各千人音義甲科謂作簡策難問列置案上在試

者為乙若雜問疑義書之於策量其大小署為甲乙之

科列而置之不使彰顯有射者隨其所取得而釋

之以知優劣射之為言投也對策者顯問以政事

經義令各對之而觀文辭定其高下○射策

之義復詳于此卷前科第類桂枝之下注內

大科賢良曰大科賢良方正漢文帝十五年詔舉賢

良方正能直言極諫者以匡朕之不逮音待○匡

及也凡士行有不及得直音極諫之人而輔相之

政舉唐選舉志武舉起於武后時長安三年始置武

舉武舉試武義其制有長垛音墜○束草為之馬

射騎馬走步射步行筒射元朝之又有馬槍音

關翹關長丈七尺徑三寸半凡十負重有九能身

材體兒長之選自上文其制至此通為一凡選讀

有文選吏部主之武選兵部主之

童子科太子正字唐劉晏八歲獻頌行在所至天子

行在帝奇其幼帝玄宗也以晏之幼命宰相去張

說音試說曰國瑞也即授太子正字正字私公卿

邀請旁午旁午縱橫也言公卿處劉號神童名震

書言故事 卷之八 二十三

一時

盡讀秘閣書

宋朝

朝音

晏殊七歲善屬

祝音

文號神童景

德初

景德真宗年號

張知白安撫江西薦之得召試真宗

異之以為秘書省

生上

正字置之秘閣使得盡讀

秘閣書

晏陳字同叔撫州臨川人性剛峻范仲淹歐陽脩皆出其門仁宗慶曆中為宰相謚

元獻

○恩例類

陞甲

進士引射有陞甲淳熙二年孝宗御射殿引詹

晉卿以下一百二十九人射翼日引第五甲及特

奏名射

翼日明也

正奏名中

去的

中的布侯而樓車

之甲所謂

上音

帖

能射中

上塲

音墮

能

推恩有

差

上帖為難上梁為易蓋塲帖帖是為難故推恩有差等

特奏名五等射合

格者與文學

慶壽恩

朝音

野故事淳熙十二年孝宗再行慶壽禮

詔舊相

去聲

史浩

上聲

陳康伯立班正月朔旦上

孝宗

百官簪花用樂上壽于康壽殿

康壽殿上皇所居

推恩

各有差

○同年類

姑蘇會叙同年曰幸同姑蘇之會范石湖撰姑蘇同

年會詩序范石湖名成大字至能宋仁宗時進士

科始隋盛於唐本朝音潮下同因之音潮下同升者謂之同

年唐人曲江大會長安坊市為半空天子至御樓

以觀當此時通榜之士意氣相與甚厚否則有青

雲紫陌之譏意氣相與不能甚厚則有青雲紫陌

合者若天宋朝略去上聲浮侈但存聞喜一宴云紹

吳政元宋高宗建陽袁起岩張元善俱使音浙西

始以歲五日會同年之在吳下者於姑蘇之臺賦

詩相屬音州里傳寫一夕迨遍

接翅音世同年登科曰幸接鸞鳳之翅曹勣即席呈同

年詩賢路非青雲十年行不至一旦公道開青雲

在平地枕上數聲鼓衙門已音如是白日探得珠

不待驪音龍睡探驪龍珠詳見後第十二卷禽自疑

孤飛鳥得接鸞鳳翅永懷共濟心莫起胡越意在胡

北越在南地之相去極遠其意之所向殊異矣言真為如此

○不捷類

孫山外解皆去聲試不中去聲曰在孫山外遜齋閑覽

書言故事 卷之八 二十五

孫山未名得解有同試者託山探得失山曰解名
盡處是孫山吾兄更在孫山外山後恩接成名詩

曰盤古榜中同進士伏羲手裏探花郎盤古伏羲

又云幸賴聖恩收拾了這音回含笑入黃泉

康子落榜曰康了遯齋閑覽柳冕應去聲舉多忌謂安

樂音洛為安康榜出令平聲僕探名報曰秀才康了不言

中榜得免為官而无事此回安康了矣

操眊睩眊音冒睩去聲落榜而縱飲食謂操眊睩李肇國

史補國史補書名進士籍而入選謂之春闈不捷

而醉飽謂之操眊睩不捷不勝也言李問不匿名

造謗曰無名子退而肄音業曰過夏肄習也

紅勒帛朱林試卷為紅勒帛筆談宋沈存中著劉幾音程

試累音呂為第一驟為恠險之語翕然成風成風者

之而成歐公深惡音之歐公也有舉人論去曰天

地軋音押軋者史記其氣萬物側滑切也

也聖人發天地既軋而物茁則聖人發焉公曰此

必劉幾戲續曰秀才刺刺也試官刷山入

也刷拔一大朱筆橫抹之謂紅勒帛後數年公為御

試考官試堯舜性仁賦性仁賦警聯云故得靜以延年獨高五帝之壽動而

有勇刑為四罪之注釋靜以延年讚堯也動而有勇

誅歐公大稱賞注讚舜也四罪凶也舜左堯

退之少皞氏有不才子曰窮奇是為共工流之于

幽州乃北裔也帝鴻氏有不才子曰渾敦是為驩

兜放之于崇山乃南裔也顓頊有不才子曰儇机

不才子曰饕餮是為三苗及唱名第一乃劉幾易

殺之于三危乃西裔也亦音輝名輝音輝○其年主司公愕然久之也愕驚

亦音輝名輝音輝○其年主司公愕然久之也愕驚

點額

下第曰點額三秦記龍門注見魚登者化為龍

花樣不同

時文別格謂花樣不同盧氏雜說盧仝音

不登者點額暴音腮傷也李白詩點額不成龍

下第出都投逆旅逆旅客有一人附火吟曰學織

錦綾工未多乱投機杼音錯拋梭杼機之若教音

官錦行音抗家見把似文章笑殺他因問之音云舊

隸官錦坊近以薄枝投本行云如今花樣不同且

東歸也

倒繡孩兒

繡音戲老作不中去声曰倒繡孩兒東軒

錄苗振第四人及第召試館職試館取宋制入館

中然後晏相去声曰宜稍温習熟句曰音豈有三十

年老孃而倒繡孩兒者乎既試果不中試畢官撰

過暇還迷日五色

言考選難明季薦宅買反又字方

叔為東坡客坡知貢舉方叔下第坡送之詩云平

生浪說古戰場李華文辭綺麗少宏傑氣肯隱士

作吊古戰場文極思方成汗為故紙與穎士讀之

華問今日誰可及穎士曰君加情思便能至矣華

愕然而服方叔既不中東坡引此過暇還迷日

五色李程貞元中試日五色程初出試場楊於陵

於陵曰公今須作狀元豈日死之於陵不平乃於

無子末繕寫而隱其名氏以謁主文主文嘆賞不

已於陵曰場中作此賦侍郎何以待之主文云非

狀元不可於陵曰苟如此侍郎已遺賢矣此乃李

程所作遂命取程所納卷對之不差一字主文因

謀之於陵擢為狀元○東坡言方叔下第非文低

實我失於考選若釋於陵之

日五色之迷眼矣注於音鳥

日五色賦唐李程試日五色賦破題云德動天監監

也祥開口華擢為狀元後浩虛舟應去宏詞復試

此題程厚浩愈於已音紀○虞料量也馳价取本

觀破題云麗日焜煌中含瑞光程喜曰李程在東

在裏言我之文在其中得乎中

二十老明經

撫音言進士科始於隋盛於唐其推音

重去謂之白衣鄉相去又曰一品白衫官乃白衣

言言文書 卷之八 二十八

書言故事 卷之八
為之人其不利者謂之二十年老明經五十少音進士

文星暗言人下第而歸曰無恠文星暗唐大中間中

唐宣宗年号天官奏云天官司也文星暗科場當有事後

經三科盡覆試復落考官皆罰俸

賺了英雄甚言人下第曰賺了英雄國史補唐制

進士科甚重去其老死文場者亦無恨故為詩云

太宗皇帝真長策賺了英雄盡白頭

大才晚成言人科第暫淹曰大才晚成出本老子大

器晚成漢馬援兄况謂援曰汝大才當晚成

傍門戶飛下第歸投人曰傍門戶飛唐元和中憲宗

年士人下第多為詩刺音試官獨章孝標作歸燕

詩上音賞庾承宣侍郎曰舊壘危巢泥已音落今年

故向社前歸連雲大厦無棲處更傍誰家門戶飛

○聘君類

三聘賀人赴召云榮膺三聘之寵膺親孟子上萬章伊

尹耕於有莘音之野莘國名趙氏曰湯三使往聘

之聘問也訪也湯使人以幣聘於伊尹然无欲自得之貌曰我何以湯之聘幣為哉

豈若處猷詠之中由是以樂堯舜之道哉誦堯舜之詩讀克舜之書而欣慕愛之也湯三使生聘之於是伊尹曰吾樂堯舜之道使是君為堯舜之君使是民為堯舜之民吾身親見之哉既見湯之使佐桀不能遷善伊尹返覆者五就湯五就桀終不改伊尹遂相湯伐桀

安車

音居榮赴安車之迎蒲輪安車蒲輪之義已見前

下前漢四皓隱於商山皓白也曰人皆頭白故名

居園中夏黃公姓崔名廣居夏里角里先生姓周名術居角里綺里季无注不敢強為之說

帝為太子時卑辭蒲輪迎以為客也高祖欲廢惠

帝而立戚姬子如意以即位刑臣極許之高祖堅

不所惠帝毋呂后強要張良畫計良曰今者難以

口舌爭顧上所重者四皓也四皓隱於商山上不

得見今令太子修書安車迎之四皓尚堂令隨大

子出於朝令上見之或是一助四皓既

遣使音事者安車蒲輪束帛加璧以迎魯申公此已

見前第一卷者

除書到門

除書將到門矣韋應物初為尚書郎音常

別集福精舍詩云簡略非世器委身同草木逍遙

精舍居飲水自為足云明世方選士中朝音朝懸美

祿除書忽到門冠帶便拘束愧忝郎暑迹繆迷又

象君子錄云

○薦舉類

桃李 幸作狹門之桃李唐武后問狄仁傑朕欲得一

佳音皆士用之誰可者仁傑曰張東音簡之雖老宰相

去聲才也卒用為相又嘗薦夏官侍郎姚崇音今夏官

部也 監察御史桓彥範太平州刺史敬暉數人率

為名臣或謂仁傑曰天下桃李盡在公門公稱仁

仁傑曰薦賢為去聲國非為私也

藥籠中物得備藥籠中物元行冲謂狄仁傑曰下之

事上譬之富家貯積以自資也音甫音暗音膜音

音以供滋膳音也肉薄析曰哺小物全乾曰暗膳者

又膳魚也朕者火春肉言富者音參人木音芝音桂

常以此回等供滋於膳食也音參人木音芝音桂

肉以防病音言富家常存此門下充為味者多矣願

以小人充備一藥石仁傑笑曰君正吾藥籠中物

不可一日無

道側竒寶升薦曰毋音棄道側之竒寶韓愈薦樊宗

師於袁滋相音去公書曰誠不忍竒寶橫棄道側音

鎮襄陽後鎮荆南不知此書的在何時也愈言宗

弟皆優暗有餘而宗師妻子常寒露肌宗師

向陽花木幸作向陽花木范文正公知杭州蘇鱗為

言言故事 卷之八 年一

屬縣巡檢

屬縣杭州所屬該管之縣

城中兵官往往皆獲薦書。

獨鱗在外邑未見收錄因公事入府獻詩曰近水

樓臺先得月向陽花木易音為春文正薦之

○賣爵類

納粟

買官曰納粟

進納

漢晁

音潮錯

音助策

重去聲

粟之道

在於以粟為賞罰令

去聲募天下

入粟縣官

句拜爵

得

以除罪

如此官人有爵農人有錢粟有所溲

音薛溲音散也。文帝從其言

武功爵級

前漢食貸

音代志

武帝時大司農陳經用既

竭不足以奉戰亡有司請令平聲民得買爵置賞官

名曰武功爵級十七萬凡直三十餘萬金通鑑元

六月詔令民得買爵及贖禁銅免賊罪置賞官名

曰武功爵級十七萬凡直三十餘萬金。級十七

萬茂陵書一曰造土二曰開與衛三曰良士四曰

元戎五曰官爵六曰秉鐸七曰千夫八曰奈卿九

曰執戎十曰戾政庶長十一

曰軍衛其六級則亡之矣

南爵 朝廷賣官曰鬻爵銅臭後漢靈帝開鴻都

司徒問其子鈞曰吾居三公於義何如鈞曰大人少英稱歷位卿守論者謂不當為三公而今登其位天下失望烈曰何謂然也鈞曰論者嫌其銅臭

黃綬董巴與服志九卿中去二千石青綬音瓜綬綬綬









也二千石青綬千石六百石黑綬四百丞尉三百

長音相去聲二百皆黃綬中二千石詳見後第九卷郡守類五馬之下

○仕進類

筮仕上音初作官曰筮仕左門公畢萬筮仕於晉卜筮

也其義詳見前第四卷地理類青囊經之下○畢萬魏下軍畢萬為獻公右戎滅耿滅霍滅魏遂以魏國之地賜畢萬使畢萬食魏之祿以為晉釋準

音抽濕大夫於是畢萬將仕於晉而遇屯○震下
此正卦

此正卦

也

也

也

也

也

也


試吏初作官曰試吏漢高紀試用

一行作吏初作官曰一行作吏選稔叔夜與山巨

源絕交書云山巨源名濤晉武時吏部尚書遊山

澤觀魚鳥心甚樂音洛之山有鳥澤有魚一行作吏

此事便廢

要路作好官曰登要路

仕路

作官曰在仕路仕途宦途杜贈韋左丞云立登

要路津立使登進清要仕路

當路

得高位知遇曰見知當路孟子公孫丑上公孫丑曰

夫子當路於齊公孫丑孟子弟子齊人也夫子公孫丑稱孟子也當路居要地也

管仲晏子之功可復許乎管仲齊大夫名夷吾相桓公霸諸侯晏子齊大夫

夫名嬰字平仲相景公名顛諸侯三十年二子之功如此許猶期也孟子未嘗得政丑蓋設辭以問

言夫子若得政於齊則管晏之功可復期望乎於是孟子答丑言子誠齊人知齊國有二子而已不

復知有聖賢之事蓋孟子之意言我若似二子之得其君則佐其君以行王道何以霸為

自此升矣

賀人仕進曰自此升矣後漢楊震好音李

明經有雀啣三鱸音善魚集講堂鱸與鱠通魚似蛇黃身黑文即今鱸

也魚是都講進曰都講殿都回鱸者卿大夫之象數

三者法三台也先生自此升矣後為太尉太尉司空

為三

赴調

參部註差為赴調優調別差曰優調去聲

美調

賀得好差榮膺美調漢文帝時張釋之為騎去聲

即十年不得調調選也欲免歸釋之以久不得調選故欲免其官而歸

晁音朝錯音助知其賢而薦之為謁者僕射音夜

待除

稱呼待差曰待除

美除 賀得好差榮被美除任平廣曰正授曰正除

瓜期 賀赴任去曰榮赴瓜期詳下

及瓜 任去蒲曰及瓜左莊公齊侯使連稱去管至

父音戌音庶音葵丘連稱管至父皆齊大夫戌守也瓜

時而往瓜熟之時曰襄公與及瓜而代代替換也

代熟使人下車下初到任去曰下車之初後漢劉寵為

會音稽音守桓帝時寵為太召為將作大匠領營

山陰縣五六老叟人齋百錢送寵人者人人也

曰老叟明府下車以來明府稱狗不夜吠无成民

不見吏言民間无事今聞當見棄去故自扶送唐

李白為馬昌宰夫思碑云去後民思其未下車人

懼之既下車人悅之人者

書考 賀在任去官書考榮書上考書舜典三載上

聲考績音績○三年有成故以考三考黜陟音幽

明黜退也陟升也至於三考九年升陟有功者以

也揚顯明其功退黜无功者於幽隱之地使不得顯

增秩 音朝音廷賞良吏加祿數曰增秩吏仕宦者之

摠言官是也前漢循吏傳去聲序宣帝曰太守吏民

之本數音數變易音亦則下不安民知其將久不可欺

周乃服從其教化故二千石有治音持理效輒音折以

重書勉厲增秩賜金輒專也專以坐畜勉厉使之勤政省其品秩賜之金而不

守易其

解龜

任去聲滿曰解龜美替龜者印有龜紐即鼻也任

滿者解印則曰解龜任既

解組

解綬音弗組綬皆綬也梁陸倕音華為六守曰謬叨

龜組謬誤也切刀監也龜組即鼻也此陸倕自謙

晉陶淵明為彭澤令去聲解印夫縣賦歸去來辭明

解印詳見前第五卷身

報政

仕去聲滿解龜報政史記伯禽受封之魯伯禽周

也往三年然後報政周公曰何遲也伯禽曰變其

俗革其禮喪三年而後除之故遲太公封於齊太

姓姜鈞於周遇文王尊為師佐五月而報政周公

曰何速也曰吾簡其君臣禮讀從其俗也故速

攀轅

餞去任去聲當攀轅卧轍轍車行漢侯霸為臨淮

太守被召百姓攀轅卧轍願留甚年

截鑿 截鑿留鞭唐姚崇受代日民吏泣擁馬首截鑿

留鞭

○叙同官類

同僚 叙同官曰厚在同僚左文公七年 晉先蔑奔秦晉襄

又公少趙孟曰立公子雍文公于杜祈所生當
時雍佐於秦使先蔑迎雍秦康公送公子雍于晉
靈公母穆嬴抱靈公帝子朝曰先君何罪其嗣亦
何罪捨嫡嗣不立而外求君將置此子於何地也
夫入既帝子朝而出又抱大子以往宣子之家宣
子與諸大夫皆患穆嬴乃背先蔑而立靈公以禦
秦師敗秦師于令狐士會從之 士會同迎公子
之池先蔑遂奔于令狐士會亦同奔秦也 先
蔑之使音也 去年先蔑使秦荀林父音甫 止之曰荀

父中行子也止先蔑使勿往謂穆嬴與靈公皆在
不立太子而迎公子雍此其必不進女何不
以疾但使大夫往可同官為僚 僚信公二 十八年晉
也何必使汝親行哉侯作三行荀林甫
將中行先蔑將左行吾嘗同僚 我曾與 敢不盡心
故云同官為僚業也 詩生民 我雖異事異事不及
乎既為同官敢不 詩之篇 我雖異事可戰也 及
爾同僚王臣也

同寅 移音 幸獲同僚故也書 同寅協恭和衷 同哉

寅敬也言君臣當同其寅畏協其恭故誠一死間
融會流通而民彛物則各得其正所謂和衷也

落落晨星 言同年者或存或亡也謂之同年 劉禹

錫送張盥音赴 舉序吾不幸向所謂同年友當其

盛時連轡舉鑣音標。鑣音銜外。鑣音銜外。更絕九衢若屏風然。

巨延袞也。四達謂之衢。樂天詩歸騎紛：滿。九衢言同年友極多而充滿。九衢故若屏風。今來

落落如晨星之相望。早晨之星或有存者或有沒者人之存亡亦猶是也。

○清廉類

臣心如水 稱仕宦清廉曰臣心如水。前漢成帝時鄭

崇為尚書好直諫貴戚多譖之。貴戚皇親上

成責崇曰君門如市人如市人言請求者多交通賓客何以欲禁

切主上禁切諫止也主上成帝自謂也責言勸崇

也崇對曰臣門如市臣心如水心如水之淡廉潔而无私

也

廉能 清而有政事曰廉能。周禮天官吏部以聽官府

之六計讀弊群吏之治云二曰廉能所平治也平

事弊斷也既新以六事又以廉為本廉儉也一曰

廉善其辭善也二曰廉能政令行也三曰

廉敬不懈于位也四曰廉政行无價邪也五曰

廉法守法不失也六曰廉辨然不疑惑也五曰

清白傳家 世守公廉曰清白傳家。世者後漢楊震

性公廉安帝時震子孫蔬食音步行或欲令平開

產業震曰使後世稱為清白吏子孫以此遺音之

不亦厚乎遺贈也以清白遺之

書言文有

冰壺獎人清者冰壺玉鑑之下杜詩冰壺玉鑑懸清

秋詩見下文姚元崇作冰壺誠元崇字元之相唐玄崇謚文獻冰壺者

清潔之至也夫音扶洞徹無瑕澄空見底當官明白

者有類乎是當官為官也當官者能清

震畏四知私無所取曰震畏四知漢楊震為東萊太

守道過昌邑故人王密懷金千斤以遺音謂震密為

令震所奉密於震曰故人知君故人震自謂也君

是懷金以謝之君有才能而君不知故人何也震言我性公廉无密

薦之為令曰暮夜無知者震曰天知神知我知子知何謂無知密

愧而去

胡椒八百斛自此以下唐元載受賄後事敗及後因

事而有司籍其家有司縣實也籍者凡罪人家才

謂之抄鍾乳五百兩鍾乳有石三種胡椒八百斛

者其數如許他物不可勝紀胡柿之貴

簠簋不飾謂貪汙音鳥曰簠簋不飾賈誼策古

者大臣有坐不廉而廢者古之大廷有因貪汙不

謂不廉不言其貪汙則曰簠簋不飾外方內負曰

曰簠簋皆有蓋象龜形蓋宗廟盛黍稷稻粱之禮器

○致仕類

致事致政記

曲禮上篇

大夫七十而致事

致其所掌之事於君而告老也

若不得謝

謝者致仕之謂也不得

則必賜之几杖

凡者憑之以安其體杖者扶之以助其力君不許其致事則以封賜之矣

王制

記篇七

十致政

引年賀致仕引年抗牘得謝掛冠

牘簡牘也古无紙書於簡牘上疏以

辟官乞身以歸得謝免掛冠

王制凡三王養老皆引年

三王夏商周也

夏若氏燕衣而養老燕衣黑衣也燕則安而不危有人道焉殷人縞衣而養老縞生纈亦名素此縞衣則謂白布深衣也純素而无所受質之黎也周人玄衣而養老玄衣亦朝服也縞衣素裳按夏氏

尚黑衣裳皆黑殷尚白衣裳皆白周兼用之故玄衣而素裳而有所雜文之象也引年四海之內老者衆矣安得人人而養之待國老及庶人老者之礼卑則行引户校年之令而恩賜其老者焉○庄有爵有德之老而尊故待之於大亭謂之上庠在西郊庶老庶人及死事者之父祖也而卑故待之於小亭謂之下庠在國中五宮之東

乞骸骨

乞骸骨乞致仕曰乞骸骨漢宣帝朝丞相去韋賢

以老病乞骸骨賜黃金百斤安車駟馬罷就第

漢有甲乙次第之居故云罷相而就第○安車丞駟馬已見前第二卷耆老類安車蒲輪之下

相致仕自賢始

掛冠東漢逢

音

萌王莽殺其子

莽殺自己之子王萌字非殺逢萌之子

謂友人曰三網絕矣三網謂君為臣網。夫為妻網。皆當盡其恩義。奔殺其子。是

父子三網絕矣曰三網絕矣。言奔於子尚不能愛。而殺之尚有益及於

人乎。今也。若不早去禍及於人矣。

白衣尚書 白衣尚書。棍耀閭里。鄭均為尚書。鄭切。字仲。漢

數進忠。以病乞骸骨。拜議郎。敕賜尚書祿。以終身。

言者。號為白衣尚書。

大議每咨 大議每咨朝音潮廷方所倚毗。毗。大。臣。雖。

致仕。朝廷所董仲舒病致仕。仲舒前漢武帝時為江都相。朝廷

每有大議。數音朔遣廷尉張湯親至陋巷。問其得失。

廷尉決因。於是作春秋決獄三百三十一事。動以

經對。經對者引六經之辭義以對。

從 **漢張良** 曰。張良佐漢高祖。滅秦定天下。

故為下文之臣家世相。張良佐漢高祖。滅秦定天下。故為下文之臣家世相。

亡。韓為秦。不受萬金之產。韓報仇。強秦。韓既

不愛萬金之產。為韓報仇。今以三寸舌為帝王師。封

萬戶侯。此布衣之極於良足矣。高祖封功臣。使良

良曰。臣始與陛下遇於留。此天以臣授陛下。封留

足矣。遂封為留侯。言此乃布衣常人之極。至張良

矣。願棄人間。從赤松子遊。赤松子神農時雨師。入

張良得黃石公素書云絕皆禁欲即導引不食穀
所以除慮張良用之故從赤松子
導引行氣也

○黜責類

書空

咄咄入怖事晉殷浩被黜孝宗時放浩連年
於山桑桓溫請談詠不輟專入聲也
廢浩免為庶人談詠不輟輟止也
雖家人不見

其有流放之感但終日書空作咄咄怖事四字而

已音以書空書冥於空中也咄咄嗟嘆也
浩才名冠世時人以浩有管仲諸葛亮之才

飽喫惠州飯

山谷跋東坡和去声陶淵明詩云子瞻

滴海南蘇軾字子瞻宋哲宗時與程頤同在絳筵
蘇軾字子瞻宋哲宗時與程頤同在絳筵
蘇軾字子瞻宋哲宗時與程頤同在絳筵

由是成隙皆遭時宰欲殺之時宰相章飽喫惠州

飯細和淵明詩子瞻謫惠州彭澤千載宰人淵明

彭澤東坡百世師子瞻宗時子瞻為直史館李定言

東坡故号東坡黃山谷出處雖不同淵明自

言東坡可為百世之師出處雖不同淵明自

東坡遭貶雖不同時氣味乃相似淵明相似○子

鬼門關

交趾有鬼門關其南多瘴音瘴音利○瘴瘴

去者罕得生還諺音曰諺俗鬼門關容州北流

相對号十人去九不還唐李德裕貶崖州經此賦

詩云一去一萬里千知千不還崖州在何處生渡

鬼門關唐文宗時德裕與宗閔互相拮援德裕遂

宗曰正人指邪人為邪之主亦指正人為邪在人主办之

○不調類

數奇

音命 古懷 曰數奇李廣傳 去聲 李廣數奇不得

封侯也夫李廣以命數之虧故不得侯 王維詩李

廣無功緣數奇標題云奇者單也

陸沉

言仕官不超陸沉下僚莊方且與世違而心不

屑屑清也 與之俱是陸沉者也言人雖與世相遠

而心猶不清不放而隱於市厘不能免

任子類

父任

大臣得率其子弟為父所保任故得為郎 前漢張安世以父任為郎

蔭補

祖父官蔭子孫曰蔭補唐李德裕大和相

和文宗年 吉甫子德裕乃李 十犖音洛 有大節卓

絕而有大節操 不喜與諸生不與諸生 有司

以蔭補校書郎

蔭止京官

宋盧多遜為相去聲 子雍起自家 即授水

言言故事

卷之三

四十三

部負外郎後遂為常呂蒙正奏曰臣忝甲科及第

釋褐釋褐詳見前釋褐之下止受九品京官况天

下才能老於岩穴不能需寸祿者多矣今臣男始

離強聲姜上襍音保○襍織縷為之以約小兒於背

其子始離此膺此寵命蒙正時為相照例亦以其

始離襍襍逃然膺此寵命乞以臣舊日及第時所

受官補之自是止授九品京官

恩澤 陰子孫官曰恩澤宋晏殊未嘗為去子弟請求

恩澤吳殊雖為相不為子弟求恩澤依例授官○

雖上屢音問工屢次問其子弟但表間起居而已

上表奏聞問上起居之安

命婦類

國夫人 郡夫人 大夫夫人 縣君 郡君 大君 **通典** 宋鄴音

侯孟懷王母拜國夫人 隋高涼女子洗音氏世為

南越首領世也有功冊為高涼郡夫人既而冊

譙國大夫人高涼今廣西高州也洗氏高涼馮驩

氏五州僚媛盜擊平之洗氏婦人之封始齊侯與

女子石窳音也魯成公二年齊項公與晉人戰于

項公卑還女子不避項公使之迴避女子問曰君免乎答曰齊君免矣女子又問然司徒免乎司徒之執銳者答曰司徒免矣女子乃言齊師既敗首齊侯步吾父免矣餘人可不復如何女子乃走避項公項公以其先問君後問父為有禮既而問此女子為誰乃知為薛司徒妻也遂與之以石窈之邑

其後前漢武帝封太后微時金王孫家所生女

號脩城縣君此又縣君之號太后微時主太后微

女乃入宮景帝廢粟如而立之生武帝唐制四品妻為郎君五品為

縣君其母邑號皆加大君之稱

命婦士階州人碩人令人恭人宜人安人孺人

金花誥婦人誥謂金花誥春明退朝音潮錄官誥院敕

郡夫人使金花羅紙七張綿綵袋賜以湯沐邑

邑謂以其賦稅乃奉親之榮也

